

四庫全書

子部

欽定四庫全書

子部

玉海卷六十五

詳校官給事中<sub>臣</sub>查善長

主事<sub>臣</sub>祁韻士覆勘

總校官進士<sub>臣</sub>朱 鈐

校對官編修<sub>臣</sub>沈清藻

謄錄監生<sub>臣</sub>謝 惇

欽定四庫全書

玉海卷六十五

宋 王應麟 撰

詔令

律令

釋名律累也累人心使不得放肆也令領也理領之使不得相犯也

唐虞制令

皋陶法律

黃帝李法

見兵法

淮南子神農無制令而民從唐虞有制令而無刑罰

論記

訓

黃帝治天下法令明而不闇

管子黃帝治天下置

法而不變堯之治也善明法察令而已

漢張敏傳建

初中上疏曰

駁經  
悔法

孔子垂經典皋陶造法律原其本意

皆欲禁民為非注史游急就篇曰皋陶造獄法律存也

劉向曰今之刑非皋陶之法也  
而有司請定法削則削筆則筆

左傳夏書曰昏墨賊

殺皋陶之刑也

風俗通皋陶謨虞始造律

國語展

禽曰堯能單均刑法以儀民

舜之命官先播穀次敷

教而後及於刑蓋有以養民之身善民之心不獲已乃  
置刑焉 欽恤者聖人用刑之心明允者聖人用刑之  
法

夏政典

見政要類

科條 禹法

隋志書述唐虞之世五刑有服夏后氏正刑有五科條

三千

左傳晉叔向曰夏有亂政而作禹刑

法言唐虞象刑惟明夏后肉

辟三千不膠者卓矣 呂刑穆王訓夏贖刑注穆王訓

暢夏禹贖刑之法更從輕疏夏法行於前代廢已久矣

今復訓暢夏禹贖刑之法以周法傷重更從輕以布告

天下 尚書大傳夏刑三千條

見唐長孫無忌律疏序

荀子君

道篇禹之法猶存而夏不世王得其人則存 法者治之端君子者法之原有君子則法雖省足以徧矣

湯四方獻令 湯令

周書王會篇伊尹朝獻商書湯問伊尹曰其為四方獻令伊尹受命於是為四方令曰臣請正東符婁仇州伊慮漚深九夷十蠻越漚鬻髮文身請令以魚支之鞞鮚

鯢之醬鮫鼂利劍為獻正南甌鄧桂國損子產里百濮

九菌請令以珠璣瑋瑁象齒文犀翠羽菌鶴短狗為獻

正西崑崙狗國鬼親枳己闌耳貫冑雕題離丘漆齒請

令以丹青白旄紃蜀江歷

珠名

龍角神龜為獻正北空同

大夏莎車姑他旦畧貌胡戎翟匈奴樓煩月氏犍犂其

龍東胡請令以橐駝白玉野馬騊駼駃騠良弓為獻湯

曰善

後漢西南夷傳注引周書伊尹為四方獻令曰正西昆侖狗國云云請令以丹青白旄紃蜀龍角神

龜為獻

帝王紀湯令未命之為士者車不得朱軒及

湯曰善

有飛軫不得乘飾車駢馬衣文繡命然後得以順有德  
左傳叔向曰商有亂政而作湯刑注言不能議事以  
制

殷刑書

康誥王曰外事汝陳時臬司師茲殷罰有倫疏外土以  
獄事上於州牧之官為奉王事汝當用刑書為布陳是  
刑法為司牧其衆故受而聽之既衛居殷墟又周承於  
殷後刑書相因故兼用其有理者謂當時刑書或無正



條而殷有故事可兼用若今律無條求故事之比也王  
曰汝陳時臬事罰蔽殷彛注陳是法事其刑罰斷獄用  
殷家常法謂典刑故事 君陳殷民在辟予曰辟爾惟  
勿辟予曰宥爾惟勿宥惟厥中

周士八成 五戒 箕子八條

秋官大司寇凡諸侯之獄訟以邦典定之六典大夫之獄

訟以邦法斷之八庶民之獄訟以邦成弊之注八成也

罪所不貸有一定之法故曰成以官成待萬民之治若

今時決事比也

士師

下大夫四人

掌士之八成曰邦汭邦

賊邦謀犯邦令橋邦令為邦盜邦朋邦誣

注鄭司農云八成者行事

有八篇若今時決事比

以五戒先後刑罰

注先後猶左右也

毋使罪麗于

民一曰誓用於軍旅二曰誥用於會同

注誓誥於書則甘誓湯誓大誥

康誥之屬

三曰禁用諸田役四曰糾用諸國中五曰憲用諸

都鄙

禁則軍禮曰無干軍無自後射此其類也

漢地理志殷道衰箕子去

之朝鮮教民以禮義樂浪朝鮮民犯禁八條相殺以當

時償相傷以穀償相盜者沒入為其家奴婢欲自贖者

人五十萬雖免為民俗猶羞之是以民不相盜無門戶之閉今犯禁寢多至六十餘條可貴哉仁賢之化也注師古曰八條不具見

### 周盟書

秋官大司寇凡邦之大盟約涖其盟書而登之天府大史內史司會及六官皆受其貳而藏之 司盟

下士二人掌

盟載之法凡邦國有疑會同則掌其盟約之載及其禮儀北面詔明神既盟則貳之注詔之者讀載書以告之

貳者寫副以授六官 左傳周之宗盟異姓為後

隱十一年

展喜曰周公太公股肱周室夾輔成王勞之而賜之盟

曰世世子孫無相害也載在盟府太師職之

僖二十六年 平

王賜駢旄之盟

踐土載書藏在庫府

周刑書

見後

三法

管子七法

三王法令

秋官司刑

中士二人

掌五刑之法以麗萬民之罪墨罪五百

劓罪五百宮罪五百刖罪五百殺罪五百若司寇斷獄

弊訟則以五刑之法詔刑罰而以辨罪之輕重注書傳

云云此二千五百罪之目畧也其刑書則亡夏刑大辟  
二百牘辟三百宮辟五百劓墨各千周則變焉所謂世  
輕世重詔刑罰者處其所應不如今律家所署法大

司寇縣刑象之法小司寇正歲帥屬觀刑象令以木

鐸令羣士乃宣布於四方憲刑禁

士師之五禁杜子春曰憲謂幘書以明之

士師

下大夫四人

以木鐸徇于朝書而縣於門閭正歲憲

禁令于國及郊野

訝士

中士八人

讀誓禁

布憲

中士三人下士

四人掌憲邦之刑禁正月之吉執旌節宣令於四方

管子七法第六注謂則象法化決塞心術計數

此七法任之目也

法第四十五堯之法也善明法禁之令而已黃帝之治也置法而不變使民安其法者也周書曰國法法不一則有國者不祥民不道法則不祥國更立法以典民則祥生法者君也守法者臣也法於法者民也漢晁錯傳對策曰三王為法令合於人情而後行之晉志汝南王亮奏周縣象魏之書漢詠畫一之法熊遠奏曰周建象魏之制

周六約

秋官司約下士二人

約於妙反言語之約束

掌邦國及萬民之約

劑治神之約為上

謂命祀郊社稷望祖宗

治民

征稅遷移仇讐既和

治地

經界

田治功

王功國功之屬賞爵所及

治器

禮樂吉凶車服

治摯之約次之

玉帛禽鳥

大約劑

邦國

書宗彛小約劑

萬民

書丹圖注此六約者諸侯

以下至於民皆有焉治者理其相抵冒上下之差也六

官初受盟約之貳

周三法

秋官司刺下士二人掌三刺

訊羣臣羣吏萬民

三宥

不識過失遺亡

三

赦

幼弱老旄蠢愚

之法以贊司寇聽獄訟以此三法者求民情

斷民中而施上服下服之罪

疏由用三法故斷民得中

小司寇以

三刺斷庶民獄訟之中春官內史執國法及國令之

貳以考政事逆會計注國法六典八法八則夏官都

司馬以國法掌其政學

周律 周文王法 周法 楚僕區法

唐韓仲良傳武德初建言周律其屬三千秦漢後約為



五百 管子周鄭之禮移則周律廢矣 左傳昭七年

楚茅尹無宇曰周文王之法曰有亡荒閱所以得天下

也吾先君文王作僕區之法曰盜所隱器與盜同罪所

以封汝也注有亡人當大蒐其衆僕區刑書服虔云隱

匿亡人之法

張斐律序曰鄭鑄刑書晉作執秩楚造僕區趙制國律

漢志儒家

周法九篇法天地立百官 公羊傳文九年云繼文王

之體守文王之法度注文王始受命制法度

周頌儀式刑文王之

典維清緝熙

文王之典

周圜土 嘉石 肺石

秋官大司寇以圜土聚教罷民

注鄭司農云圜圜土也今獄城圜疏東方主規

規主仁恩凡斷獄以仁恩求出之故圜也

凡害人者置之圜土而施職事焉

以明刑恥之其能改者反於中國不齒三年其不能改而出圜土者殺以兩造禁民訟入求矢於朝然後聽之

注矢取其直一弓百矢束矢其百个與詩其直如矢泮水詩束矢其搜

以兩劑禁民獄入

鈞金三日

取其堅

乃致於朝然後聽之以嘉石平罷民

注嘉

石文石也疏嘉善也有文乃稱嘉欲使罷民思其文理以改悔自修樹之外朝門左

凡萬民之有

罪過而未麗於法而害於州里者桎梏而坐諸嘉石役  
諸司空重罪旬有三日坐暮役其次九日坐九月役其  
次七日坐七月役其次五日坐五月役其下罪三日坐  
三月役使州里任之則宥而舍之以肺石達窮民

注肺石赤

石也肺屬南方火火色赤故肺石是赤石也使之赤心不妄告

凡遠近惇獨老幼之欲

有復于上而其長弗達者立於肺石三日士聽其辭以

告於上而罪其長朝士掌建邦外朝之法左嘉石平

罷民右肺石達窮民焉

司圜

中士六人下士十二人

掌收教罷

民任之以事

注若今時罰作國士所收教者過失害人已麗于法者

周九刑

禮司刑注其刑二千五百罪之目畧也其刑書則亡夏刑云云周則變焉所謂刑罰世輕世重疏夏刑據呂刑而言夏刑三千墨劓俱千至周減輕刑入重刑俱五百是夏刑輕周刑重案文十八年史克云周公制禮曰云云在九刑不忘鄭注堯典云正刑五加之流宥鞭朴贖刑此之謂九刑賈服以正刑一加以以八議昭六年云

周有亂政而作九刑而云周公作者鄭志云三辟之興皆在叔世世末政衰隨時自造刑書不合大中故叔向譏之作刑書必重其事以聖人之號神其書耳九刑之名是叔世所作假言周公其實非周公也 掌戮注罪二千五百條上附下附五刑而已 曲禮刑不上大夫注其犯法則在八議輕重不在刑書

### 周用人法

書周官注言周家設官分職用人之法疏周禮每官言

人之員數及職所掌立其定法授與成王成王即政之初即有淮夷叛未暇以立官之意號令羣臣今既滅淮夷天下清泰故以周家設官分職用人之法以詔羣臣使知立官之大旨也

甫刑金選品

漢蕭望之傳張敞曰甫刑之罰小過赦薄罪贖有金選之品所從來久矣注應劭曰選音刷金銖兩之名也師古曰字本作錡即鉞也

說文錡鉞也

其重一十銖二十五分

銖之十三一曰重六兩呂刑曰墨辟疑赦其罰百鍰劓

辟疑赦其罰唯倍洎辟疑赦其罰倍差宮辟疑赦其罰

六百鍰大辟疑赦其罰千鍰是其品也史記黥疑赦

其罪百率注徐廣曰率即鍰也孔安國曰六兩曰鍰黃

鐵也

禮秋官疏夏侯歐陽說墨罰疑赦其罪百率古以六兩為率鄭玄以為古之率多作鍰

鄭刑書 竹刑 晉刑鼎 楚憲令

左傳昭六年三月鄭鑄刑書

鑄於鼎以為國之常法

叔向詔子產

書曰先王議事以制不為刑辟夏有亂政而作禹刑商

有亂政而作湯刑周有亂政而作九刑三辟之興皆叔  
世也今吾子制參辟鑄刑書將以靖民不亦難乎正義  
采取上世決事之比作書以為後法九刑蓋周公別為  
此名故稱之 定九年駟顓殺鄧析而用其竹刑注鄧  
析造刑罰書於竹簡

劉向曰簡法也  
久遠無其書

襄九年宋使樂

遄庀刑器注刑書疏載於器物 昭二十九年冬晉趙  
鞅荀寅賦晉國一鼓鐵以鑄刑鼎遂著范宣子所為刑  
書焉仲尼曰晉其亡乎失其度矣夫晉國將守唐叔之



所受法度以經緯其民卿大夫以序守之民是以能尊  
其貴貴是以能守其業文公作執秩之官為被廬之法  
僖二十七年文公蒐于被廬修唐叔之法以為盟主今棄是度而為刑鼎民  
在鼎矣何以尊貴史楚懷王使屈原造為憲令魏安  
陵君曰手受大府之憲憲之上篇曰云云

秦漢舊律 令甲 魏李悝法經 諸儒章句

晉志秦漢舊律其文起自魏文侯師李悝撰次諸國法

著法經

李悝作法  
蕭何造律

以為王者之政莫急於盜賊故其律

始於盜賊盜賊劾捕故著囚捕二篇其輕狡越城博戲  
假借不廉淫侈踰制為雜律一篇又以其律具其加減  
具律令之是故所著六篇而已然皆罪名之制也商君

名例律也

受之以相秦漢承秦制蕭何定律除參夷連坐之罪增

部主見知之條益事律興廐戶三篇

三篇總謂之事律

合為九

篇

蕭何傳先入收秦丞相御史律令圖書藏之

叔孫通益律所不及傍章十

八篇張湯越宮律二十七篇趙禹朝律六篇又漢時決

事集為令甲以下三百餘篇及司徒鮑昱撰嫁娶辭訟

決為法比都目凡九百六卷世有增損率皆集類為篇  
結事為章一章之中或事過數十事類雖同輕重乖異  
而通條連句上下相蒙雖大體異篇實相探入盜律有  
賊傷之例賊律有盜章之文興律有上獄之法廐律有  
逮捕之事若此之比錯揉無常後人生意各有章句叔  
孫宣郭令卿馬融鄭玄諸儒十有餘家家數十萬言凡  
斷罪所當由用者合二萬六千二百七十二條七百七  
十三萬二百餘言言數益繁覽者益難天子

魏明帝

於是

下詔但得用鄭氏章句不得雜用餘家

范曄曰律謝臯蘇而法令亟易

漢律令 三章 律九章 除挾書律 律經

律法

高紀元年十一月召諸縣豪傑曰父老苦秦苛法久矣

誹謗者族耦語者棄市吾與諸侯約先入關者王之吾

當王關中與父老約法三章耳殺人者死傷人及盜抵

罪餘悉除去秦法吏民皆按堵如故

初順民心作三章之約天下既定命

蕭何次律令

惠紀四年三月甲子省法令妨吏民者除挾

書律

高后紀元年正月除妖言令

文紀

又史記表大事記

元年十二月盡除收帑相坐律令二年五月除誹謗律

五年除錢律民得鑄錢十三年除肉刑及田租稅律戌

卒令

五月除肉刑六月除田租用晁錯募民戍邊之策不必勞平民更戌也

景紀中六

年十二月定鑄錢僞黃金律 宣紀本始四年四月壬

寅詔曰律令有可蠲除以安百姓條奏元康二年夏五

月詔曰獄者萬民之命令用法或持巧心析律貳端深

淺不平增辭飾非以成其罪奏不如實二千石各察官

屬吏務平法地節四年令甲文頴注蕭何承秦法所作  
為律令律經是也 元紀見宣帝所用多文法吏以刑

名繩下

注師古云劉向別錄云申子學號刑名以名責  
實尊君卑臣崇上抑下宣帝好觀其君臣篇

初元五年四月省刑罰七十餘事除光祿大夫以下至  
郎中保父母同產之令 刑法志漢興初入關約法三

章蠲除煩苛兆民大說其後四夷未附兵革未息三章之  
法不足以禦姦於是蕭何櫟櫟秦法取其宜於時者作  
律九章考武事外四夷內盛耳目之好調發煩數百姓

貧耗窮民犯法酷吏擊斷姦軌不勝於是招進張湯趙禹之屬條定法令作見知故縱監臨部主之法緩深故之罪急縱出之誅其後姦猾巧法轉相比况禁罔寢密律令凡三百五十九章大辟四百九條千八百八十二事死罪決事比萬三千四百七十二事文書盈於几閣典者不能徧睹郡國承用者駁或罪同而論異姦吏因緣為市所欲活則傳生議所欲陷則與死比議者咸冤傷之宣帝時路溫舒上疏云云鄭昌上疏言不若刪定

律令律令一定愚民知所避姦吏無所弄矣今不正其  
本而置廷平以理其末宣帝未及修正元帝初立詔曰  
律令煩多不約自典文者不能分明其議律令可蠲除  
輕減者條奏惟在便安萬姓而已至成帝河平中復下  
詔曰今大辟之刑千有餘條律令煩多百有餘萬言奇  
請他比日以益滋其與中二千石二千石博士及明習  
律令者議減死刑及可蠲除約省者令較然易知條奏  
有司無仲山父將明之才徒鉤摭細微毛舉數事以塞



詔而已必世而未仁百年而不勝殘宜惟思清原正本  
之論刪定律令纂二百章以應大辟其餘罪次於古當  
生今觸死者皆可募行肉刑及傷人與盜受賕淫亂皆  
復古刑為三千章詆欺文致微細之法悉蠲除則刑可

畏而禁易避

班固之言謂刑本不正 酷吏傳序法  
令者治之具而非制治清濁之原也

甄文志小學蕭何草律亦著其法曰太史試學童能諷  
書九千字以上乃得為史 禮志禮儀與律令同錄臧  
於理官法家又復不傳 功臣表蕭何定諸侯法令

列傳蕭何收秦丞相御史律令圖書藏之

蕭何為法講若畫一曹參

代之守而勿失

張蒼吹律調樂人之音聲及以比律令若百

工天下作程品注師古曰言吹律調音以定法令及百

工程品皆取則也 賈誼文帝諸律令所更定其說皆

自誼發之

文翁選小吏詣京師學律令

鼂錯所更令三十章諸侯

皆謹譁錯言宜削諸侯事及法令可更定者凡三十篇

孝文不盡聽景帝即位以錯為內史法令多所更定

錯曰

令法律賤商人尊農夫

張湯遷太中大夫與趙禹共定諸律令

務在深文拘守職之吏

通鑑綱目元光五年七月詔太中大夫張湯中大夫趙禹定律

令趙禹曰前王所是著為律後王所是疏為令

杜周客謂周曰君不循三尺

法周曰三尺安在哉前王所是著為律後王所是疏為

令當時為何古之法乎

子延年明法律

主父偃上書闕下

朝奏暮召入見所言九事其八事為律令兒寬以古

法義決疑獄益寬饒封事曰儒術不行以法律為詩

書嚴延年學法律丞相府丙吉治律令孔光明

習漢制及法令淮陽王欽好法律朱博傳太守漢

吏奉三尺律令以從事耳三尺律令人事出其中掾史試與正監共撰前世決事吏議難知者數十事持以問

廷尉

薛宣傳廷尉以爲律曰云云

揚雄曰甫刑靡敝秦法酷烈聖

漢權制而蕭何造律宜也造蕭何律於唐虞之世則諄

矣鹽鐵論文學曰秦法繁於秋荼而網密於凝脂方

今律令百有餘篇文章繁罪名重郡國用之疑惑或淺

或深自吏明習者不知所處而況愚民乎律令塵蠹於

棧閣吏不能徧覩陳寵傳聖漢初興改從簡易蕭何

草律季秋論囚俱避立春之月而不計天地之正二王之春實頗有違 崔寔傳政論曰蕭何作九章之律有夷三族令云云謂之具五刑文帝除肉刑景帝元年下詔乃定律減笞輕捶 梁統傳疏曰元哀二帝輕殊死之刑以一百二十三事自是以後著為常準故人輕犯法吏易殺人高帝受命誅暴約令定律文帝唯除省肉刑相坐之法哀平繼體丞相王嘉輕為穿鑿虧除先帝舊約成律表其尤害於體者傳奏 晉志光武中興梁

統乃上疏曰臣切見元帝初元五年輕殊死刑三十四

事哀帝建平元年盡四年輕殊死刑八十一事

丞相王嘉等虧

除先帝舊約穿令斷律凡百餘事

其四十二事手殺人皆減死罪一等

著為常法自是以後人輕犯法吏易殺人 通監建武

十四年梁統上疏願詔有司詳擇定不易之典事下公

卿杜林奏宜如舊制統復上言臣之所奏非曰嚴刑經

曰爰制百姓于刑之衷衷之為言不輕不重之謂也刑

輕反生大患惠加姦軌害及良善事寢不報 郭躬傳

永平中以明法律召入議元和三年為廷尉多所矜恕  
乃條諸重文可從輕者四十一事奏之事皆施行著於  
令郎顗傳陽嘉二年正月對曰文帝改法除肉刑之  
罪至今適三百載宜因斯際大蠲法令官名稱號輿服  
器械事有所更王者之法譬猶江河當使易避而難犯  
和帝紀永元十二年三月丙申詔曰巧法析律節文  
增辭貨行於言罪成乎手朕甚病焉宋志治書御史  
漢東京使明法律者為之天下獄疑事以法律當是非

禮司刑注詔刑罰者處其所應不如今律家所書法  
小宰注憲謂表懸之若今新有法令 高紀注孟康

曰漢律吏二千石有予告有賜告 文紀注文穎曰漢

律三人以上無故羣飲罰金四兩如淳曰律說郡吏今

督郵是也 諸侯王表注張晏曰律鄭氏說封諸侯過

限曰附益 周禮秋官疏先鄭舉漢賊律云 長孫無

忌律疏序魏文侯師李悝集諸國刑典造法經六篇一

盜法二賊法三因

一作

法四捕請法五雜法六具法商



鞅傳受改法經為律漢相蕭何更加李悝所造戶興厯三篇謂之九章之律魏因漢律為一十八篇改漢具律為刑名第一晉命賈充等增損漢魏為二十篇於魏刑名律中分為法例律宋齊梁及後魏因而不改北齊併刑名法例為名例後周復為刑名隋因北齊更為名例唐承不改名者五刑之罪名例者五刑之體例命諸篇之刑名比諸篇之法例故以名例為首篇名冠十二篇

之首

隋志商君  
書五卷

漢章程

高紀天下既定命張蒼定章程注如淳曰章歷數之章

術

章閏法也

程者權衡斗角丈尺之平法師古曰程法式璣

曰茂陵書丞相為工用程數張蒼傳蒼為計相時緒

正律歷吹律調樂入之音聲及以比定律令若百工天

下作程品

大事記載於高帝七年冬十月定禮儀之後

至為丞相卒就之

孝文

四年正月甲午為相

叙傳北平志古司秦柱下定漢章程律度

之緒詩魯頌疏章程謂定百工用材多少之量及制

度之程品 唐魏徵曰孝宣以章程練名實

漢興以來法令 漢法定籍 九法

志畧舉漢興以來法令稍定合古便今者 高后元年正月除三族罪祇言令孝文二年除父母妻子同產相坐及收法高帝七年景中五年九月詔獄疑者讞之後元年正月又詔定讞法近於五罰三宥之意後三年著令老弱朱儒皆頌繫宣元康四年正月詔年八十非誣告殺傷人它皆勿坐成鴻嘉元年定令年未滿七歲賊

鬪殺人及犯殊死者上請廷尉以聞得減死合於三赦  
幼弱老眊之人此皆法令稍定近古便民者也 叙傳

漢章九法太宗改作輕重之差世有定籍 後漢元初  
四年選通儒讐校漢家法令

漢著令

紀文帝元年三月養老具為令

師古曰使  
備為條制

景帝元年

七月詔曰吏所監臨以飲食免重受財物賤買貴賣論  
輕廷尉與丞相更議著令後三年著令年八十以上八

歲以下頌繫 成帝著令令太子得絕馳道 哀帝元  
壽二年九月詔有司無得陳赦前事定著令 平帝元  
始四年正月婦女老弱無得繫定著令 吳芮傳高帝  
制詔御史長沙王忠其定著令著於甲令稱忠 韋元  
成傳高后時患臣下妄非議先帝宗廟寢園官故定著  
令元帝蠲除此令成帝又復擅議宗廟之命 馮野王  
傳杜欽奏記曰三最予告令也二千石賜告得歸有故  
事不得去郡亡著令 史記平準書著令令封君以下

以差出牝馬

太常著功令

著廷尉挈令

並見後

霍

去病傳定令令票騎將軍秩祿與大將軍等

薛宣傳

以令奏尹賞與薛恭換縣

後紀肅宗著胎養令定律

著令助三正之微

順帝永建四年詔宦官襲封爵定

著令

郭躬傳元和三年躬條重文可從輕者四十一

事著于令

郎顗傳陽嘉二年正月顗條便宜七事漢

興以來三百三十九歲於時三暮宜大蠲法令有所變

更王者之法猶江河當使易避難犯風俗通曰律者

法也。皋陶謨虞始造律時主所制曰令。漢書著甲令。

漢令甲 令乙 令丙

宣紀地節四年九月詔曰：令甲死者不可復生，刑者不可復息。此先帝所重，而吏未稱注文頴曰：蕭何承秦法所作爲律，今律經是也。天子詔所增損不在律上者，爲令。令甲，前帝第一令也。如淳曰：令有先後，故有令甲、令乙、令丙。師古曰：甲乙若令第一、第二篇耳。甲者，令篇之次。吳芮傳贊著于甲令而稱忠。

史記長沙王著令甲稱其忠。

叙傳景紀

述務在農桑著於甲令民用寧康 賈誼新書天子之言曰令令甲乙是也 後歷志令甲第六常符漏品

章紀元和元年七月丁未詔曰令丙筆長短有數

景帝定筆

令

皇后紀論向使因設外戚之禁編置甲令注前書

音義甲令者前帝第一令也 晉志漢時決事集為令

甲以下三百餘篇 張釋之傳注引乙令蹕先至而犯

者罰金四兩 江充傳注引令乙騎乘車馬行馳道中

沒入車馬 哀紀名田注引令甲諸侯在國名田他縣



罰金二兩 平紀顧山錢注令甲女子犯罪作如徒六月顧山遣歸 光武紀女徒顧山注引前書音義令甲易先甲後甲注甲者創制之令疏漢謂令之重者謂甲令

漢酎金律

後禮儀志八月飲酎注丁孚漢儀曰酎金律文帝所加以正月旦作酒八月成名酎酒因令諸侯助祭貢金漢律金布令曰皇帝齊宿親帥羣臣承祠宗廟羣臣宜分

奉諸侯列侯各以民口數率千口奉金四兩奇不滿千口至五百口亦四兩皆會酎少府受入大鴻臚食邑九真交趾日南折用犀角二長九寸以上若玳瑁甲一鬱林用象牙一長三尺以上若翡翠各二十準以當金音義武帝時因八月嘗酎令諸侯出金助祭所謂酎金也

左傳晉有嘗酎

漢儀注諸侯王畿臣戶口酎黃金於漢廟

武紀元鼎五年九月列侯坐獻黃金酎祭宗廟不如法

奪爵者百六人

志曰飲酎少府省金諸侯王表武作左官之律設附益之法

王子

侯表地節四年襄隄侯聖坐酎金斤八兩少四兩免五  
鳳四年朝侯固城坐酎金少四兩免 恩澤侯表魏相  
子弘丙吉子顯甘露元年坐酎宗廟騎至司馬門不敬  
削爵 趙廣漢傳丞相奉齋酎入廟祠

漢田租稅律 田令

史記大事記孝文十三年除田租稅律 貢禹傳上書  
曰除其租銖之律注師古曰租稅之法皆依田畝不得  
雜計百物之銖兩 後黃香傳延光元年遷魏郡守郡

有內外園田與人分種香曰田令商者不農王制仕者  
不耕伐冰食祿之人不與百姓爭利乃悉以賦人課令  
耕種 秦彭傳稻田三品條式

見田制

漢定筆令

刑法志漢文帝即位十三年五月除內刑外有輕刑之  
名內實殺人斬右趾者又當死斬左趾者答五百當劓  
者答三百率多死景帝元年下詔曰加答與重罪無異  
幸而不死不可為人其定律答五百曰三百答三百曰

二百猶尚不全至中六年又下詔曰加笞者或至死而  
笞未畢朕甚憐之其減笞三百曰二百笞二百曰一百  
曰笞者所以教之也其定箠令丞相劉舍御史大夫衛  
綰請笞者箠長五尺其本大一寸其竹也末薄半寸平  
其節當笞者笞臂毋得更人畢一罪乃更人自是笞者  
得全 景紀中六年五月詔有司減笞法定箠令  
元年冬十  
月詔曰孝文除  
誹謗去肉刑 後紀章帝元和元年七月丁未詔律  
云掠者唯得榜笞立又令丙箠長短有數

漢挈令 光祿挈令 廷尉挈令

張湯傳為廷尉時上方鄉文學湯決大獄欲傳古義乃請博士弟子治尚書春秋補廷尉史平亭疑法奏讞疑必奏先為上分別其原上所是受而著讞法廷尉挈令揚主之明注師古曰挈獄訟之要也書於讞法挈令以為

後式也韋昭曰在板挈也

應劭傳廷尉板令唐志刑法類有廷尉決事駁事雜詔

書

燕王旦傳又將軍都郎羽林道上移蹕太官先置

注張晏曰都試郎羽林也師古曰都大也謂大會試之

漢光祿挈令諸當試者不會都所免之 說文絀樂浪  
挈令織徐鉉曰挈令蓋律令之書也 溝洫志元鼎六  
年上曰令內史稻田租挈重不與郡同注師古曰租挈  
收田租之約令也

漢水令 公令

兒寬傳寬表奏開六輔渠定水令以廣溉田收租賦稅  
時裁闊狹與民相假貸注師古曰用水之次具立法令  
皆得其所也 召信臣傳遷南陽太守躬勸農耕信臣

為民作均水約束刻石立於田畔以防分爭 何並傳  
注如淳曰公令吏死官得法賻

漢功令 詔書律令

儒林傳公孫弘為學官

元朔五年六月

悼道之鬱滯廼請曰丞

相御史言制曰道民以禮風之以樂婚姻居室之大倫  
也今禮廢樂崩朕甚愍焉故詳延天下方聞之士咸登  
諸朝其令禮官勸學講藝洽聞舉遺典禮以為天下先  
太常議與博士弟子宗鄉黨之化以厲賢才焉謹與太



常孔臧博士平等議請因舊官而興焉為博士置弟子  
五十人復其身太常擇民年十八以上儀狀端正者補  
博士弟子郡國縣道邑有好文學敬長上肅政教順鄉  
里出入不悖所聞令相長丞上屬所二千石二千石謹  
擇可者常與計偕詣太常得受業如弟子

此郡國所擇也詔書既曰

崇鄉黨之化則太常所補不過取諸闕中而已

一歲輒課能通一藝以上補文

學掌故缺其高第可以為郎中太常籍奏有秀才異等

輒以名聞

非常選也

其不事學若下材及不能通一藝輒罷

之而請能稱者臣謹按詔書律令下者明天人分際通古今之誼文章爾雅訓辭深厚恩施甚美小吏淺聞弗能究宣亡以明布諭下以治禮掌故以文學禮義為官遷留滯請選擇其秩比二百石以上及吏百石通一藝以上補左右內史大行卒史比百石以下補郡太守卒史皆各二人邊郡一人先用誦多者不足擇掌故以補中二千石屬文學掌故補郡屬備員請著功令它如律令制曰可自此以來公卿大夫士吏彬彬多文學之士

矣注師古曰功令新立此條請以著於功令功令篇名  
若今選舉令 史記太史公曰余讀功令至於廣厲學  
官之路未嘗不廢書而嘆也索隱曰謂學者課功著之  
於令即今之學令是也 蕭望之傳治齊詩以令詣太

常受業

如淳引二千石奏  
上與計偕云云

匡衡傳射策甲科不應令

漢養老令 馬復令

見養老及馬政類

漢諸姬令 秩祿令

文紀注臣瓚引秩祿令及茂陵書姬並內官秩比二千

石

史記呂后紀注同

茂陵書祿秩令此二書亡失不得過江

明此瓚是晉中朝人

疑是傳瓚

### 漢宮衛令

張釋之傳釋之為公車令劾太子梁王不下司馬門注如淳曰宮衛令諸出入殿門公車司馬門皆下不如令罰金四兩 蓋寬饒傳為衛司馬案舊令遂揖官屬以下行衛者衛尉私使寬饒出寬饒以令詣官府門上謁

辭

漢六條 九條

百官表武帝元封五年初置部刺史掌奉詔條察州秩  
六百石員十三人注師古曰漢官典職儀云刺史班宣  
周行郡國省察治狀黜陟能否斷治冤獄以六條問事  
非條所問即不省一條強宗豪右田宅踰制以強凌弱  
以衆暴寡二條二千石不奉詔書遵承典制倍公向私  
旁詔牟利浸漁百姓聚斂為姦三條二千石不恤疑獄

風厲殺人怒則任刑喜則任賞煩擾刻暴剝截黎元為  
百姓所疾山崩石裂天祥訛言四條二千石選署不平  
苟阿所愛蔽賢寵頑五條二千石子弟怙恃榮勢請託  
所盜六條二千石違公下比阿附豪強通行貨賄割損  
政令也 唐六典惠帝三年 舊儀作六年 相國奏御史監三  
輔不法事詞訟盜賊鑄偽錢獄不直繇賦不平吏不廉  
苛刻踰侈及弩力十石以上作非所當服凡九條 鮑  
宣傳遷豫州牧代二千石書史聽訟所察過詔條注出

六條之外 翟方進傳遷朔方刺史所察應條輒舉

薛宣傳成帝初言陰陽不和咎在部刺史不循守條職  
注六條 宋百官志刺史班行六條詔書

漢決事比 律三家 漢憲令

刑法志武帝招張湯趙禹之屬條定法令死罪決事比  
萬三千四百七十二事 朱博傳遷廷尉令掾吏試與  
正監共撰前事決事吏議難知者數十事持以問廷尉  
為平處其輕重十中八九官屬咸服博之疏畧材過人

也 後漢陳寵傳和帝永元六年代郭躬為廷尉寵鈞校律令條法溢於甫刑者除之曰臣聞禮經三百威儀三千故甫刑大辟二百五刑之屬三千禮之所去刑之所取失禮則入刑相為表裏者也今律令死刑六百一十耐罪一千六百九十八贖罪以下二千六百八十一溢於甫刑者千九百八十九其四百一十大辟千五百耐罪七十九贖罪春秋保乾圖曰王者三百年一蠲法漢興以來三百二年憲令稍增科條無限又律有三家其



說各異宜令三公廷尉平定律令應經合義者可使大辟二百而耐罪二千八百共為三千悉刪除其餘令與禮相應以易萬人視聽以致刑措之美傳之無窮未及施行及寵免後遂寢而苛法稍繁人不堪之寵子忠畧依寵意奏上二十三條為決事比以省請讞之弊又上除蠶室刑解減吏三世禁錮狂易殺人得減重論母子兄弟相代死聽赦所代者事皆施行 桓譚傳世祖時因上疏陳時政所宜又見法令決事輕重不齊或一事

殊法同罪易論今可令通理義明習法律者較定科比  
一其法度班下郡國蠲除故條如此天下知方而獄無  
冤濫矣書奏不省 晉志章帝時陳寵上疏曰唐堯著  
典曰流宥五刑膏災肆赦舜命臯陶以五宅三居惟明  
克允文王重易六爻而列叢棘之聽周公作立政戒成  
王勿誤庶獄宜蕩滌煩苛輕薄箠楚以濟羣生帝納寵  
言永元六年寵代郭躬為廷尉復校律令刑法溢於甫  
刑者奏除之忠依寵意奏上三十三條為決事比

餘同  
漢傳

禮大司寇庶民獄訟以邦成弊之注鄭司農云若今時  
決事比也士師八成注若決事比 唐志有廷尉決事  
二十卷駁事十一卷

漢尉律

昭紀更賦注如淳曰尉律卒踐更一月 說文序尉律  
學僮十七已上始試諷籀書九千字乃得為吏以八體  
試之郡移太史並課最者以為尚書史書或不正輒舉  
劾之今雖有尉律不課小學徐鍇曰尉律漢律篇名

功臣表靳亭高成孝文後三年坐事國人過律免

漢金布令

錢律

見錢幣

蕭望之傳金布令甲曰邊郡數被兵離饑寒天絕天命父子相失令天下共給其費注師古曰金布者令篇名也其上有府庫金錢布帛之事因以名篇令甲者其篇甲乙之次高紀八年十一月臣瓚注引金布令師古曰金布者令篇名若今言倉庫令也後漢禮儀志八月飲酎注亦引漢律金布令晉志魏司空陳羣等采漢

律為魏法序畧引金布律

詳見後

### 漢任子令

哀紀綏和二年六月初除任子令及誹謗詆欺法注應劭曰任子令者漢儀注吏二千石以上視事滿三年得任同產若子一人為郎不以德選故除之王吉傳宣帝時上疏今俗吏得任子弟率多驕騫不通古今宜明選求賢除任子之令注子弟以父兄任為郎父任若張安世蘇武劉向汲黯蕭育兄任若霍光爰盎楊惲族

父任若侯霸宗家任若周陽由

漢法十家

藝文志李子三十二篇

名惺相魏文侯富國強兵

商君二十九篇

名鞅

相秦孝公

申子六篇

名不害相韓昭侯

處子九篇

史記趙有處子

慎子四十

二篇

名列

韓子五十五篇

名非

游棣子一篇晁錯三十一篇

燕十事十篇

不知作者

法家言二篇右法十家二百一十七

篇法家者流蓋出於理官信賞必罰以輔禮制 隋志

六部合七十二卷

漢建武律令故事

唐藝文志漢建武律令故事三卷

隋志三卷

漢名臣奏二

十九卷廷尉決事二十卷廷尉駁事十一卷廷尉雜

詔書二十六卷南臺奏事二十二卷應劭漢朝議駁

三十卷陳壽漢名臣奏事三十卷 建武二年五月

詔民欲歸父母者敢拘執論如律三月議省刑法三

年七月詔吏有罪先請五年五月幽係囚非殊死勿

案六年五月赦隴西殊死以下十一年二月詔殺奴

婢不得減罪八月詔炙灼論如律十八年蠲邊郡殺盜之法同之內郡二十二年九月地震減繫囚罪一等

漢胎養令

章紀元和二年春正月乙酉詔曰令云人有產子者復勿算三歲今諸懷妊者賜胎養人三斛復其夫勿算一歲著以為令三年春正月乙酉詔曰蓋人君者視民如父母有憫恤之憂有忠利之教匍匐之救其嬰兒無父



母親屬及有子不能養食者廩給如律論曰章帝長者感陳寵之議除慘獄之科深元元之愛著胎養之令

晉志光武時民有產子者復以三年之算 宋朝仁宗嘉祐三年韓宗彥請修胎養令以為繼嗣漢室皆章帝苗裔以仁心養民故也 紹興二十七年九月范如志請舉胎養令

漢元和定律

章紀元和二年正月乙酉詔三公曰方春生養萬物孳

甲宜助萌陽以育時物其令有司罪非殊死且勿案驗  
立秋如故秋七月庚子詔曰春秋於春每月書王者重  
三正慎三微也律十二月立春不以報囚月令冬至之  
後有順陽助生之文而無鞠獄斷刑之政朕咨訪儒雅  
稽之典籍以為王者生殺宜順時氣其定律無以十一  
月十二月報囚 魯恭傳初和帝下令麥秋得按驗薄  
刑而州郡好以苛察為政因此遂盛夏斷獄恭上疏諫  
曰舊制至立秋乃行薄刑自永元十五年以來改用孟

夏月令孟夏斷薄刑出輕繫又曰仲夏挺重囚益其食  
夫斷薄刑者謂其輕罪已正不欲令久繫故時斷之也  
臣愚以為孟夏之制可從此令其決獄案考皆以立秋  
為斷初肅宗時斷獄皆以冬至之前自後論者互多駁  
異鄧太后詔公卿以下會議恭議奏曰易曰潛龍勿用  
言十一月十二月陽氣潛藏未得用事孝章皇帝深惟  
古人之道助三正之微定律著令冀承天心順物性命  
以致時雍易曰君子以議獄緩死可令疑罪使詳其法

大辟之科盡冬月乃斷其立春在十二月中者勿以報

囚如故事

安帝永初元年五月恭為司徒

樊儵傳永平元年拜長水

校尉議刑辟宜須秋月以順時氣從之襄楷傳楷上

疏言永平舊典諸當重論皆須冬獄先請後刑所以重

人命也和帝紀永元十五年十二月庚子有司奏以

為夏至則微陰起靡草死可以決小事是歲初令郡國

以日北至按薄刑陳寵傳肅宗初寵為尚書是時承

永平故事吏政尚嚴切尚書決事率近於重寵以帝新

即位宜改前世苛俗帝納寵言每事務於寬厚其後遂

詔有司絕鉗鑽諸慘酷之科解妖惡之禁除文致之請

讞五十餘事定著於令

元和元年七月詔考獄多酷及秋冬明為其禁十二月蠲除妖

惡禁錮元年七月定報囚律

是後人俗和平屢有嘉瑞漢舊事斷獄

報重常盡三冬之月是時帝始改用冬初十月而已元和二年寵奏曰稽春秋之文當月令之意

### 漢小杜律

郭躬傳躬父弘習小杜律躬少傳父業

郭氏自弘後數世皆傳法律

元和三年拜為廷尉躬家世掌法務在寬平及典理官決獄斷刑多依矜恕又條諸重文可從輕者四十一事

奏之

奏獻法科多所生全

事皆施行著於令注前書杜周武帝時

為廷尉御史大夫斷獄深刻小子延年亦明法律宣帝時又為御史大夫對父故言小朱博曰太守漢吏奉

三尺律令以從事

三尺律令人事出其中

漢祀令 齋令

後漢祭祀志注漢祀令曰天子行有所之出河沈用白馬

珪璧各一衣以繒緹五尺祠用脯二束酒六升鹽一升  
涉渭灞涇雒佗名水如此者沈珪璧各一律在所給祠  
具及行沈祠佗川水先驅投石少府給圭璧不滿百里  
者不沈 蔡邕表志曰宜具錄建武乙未元和丙寅詔  
書下宗廟儀及齋令入郊祀志永為典式 禮儀志凡  
齋天地七日宗廟山川五日小祠三日  
蔡邕傳曰自今  
齋制宜如故典  
郊祀志官社官稷注臣瓚引漢祀令文紀注如淳引漢  
祠令陰安侯云云

漢令科品 品令 故事品式

安帝紀元初五年七月丙子詔曰舊令制度各有科品

注漢令今亡

又見車服

濟南王康傳國傳何敞諫曰輿馬

臺隸應為科品 劉祐傳轉大司農中常侍蘇康管霸

用事固天下良田祐移書所在依科品沒入之 仇香

傳為蒲亭長勸人生業為制科令 馬融對策曰今科

條品制四時禁令所以承天順民者備矣 百官表少

府注如淳曰若盧官名藏兵器品令曰若盧郎中二十人



主弩射漢儀注有若虛獄令 宣帝紀品式備具 孔

光傳為尚書觀故事品式數歲明習漢制及法令

漢決事都目 辭訟比 漢馬將軍故事

東觀記建初中司徒辭訟久者至數十年比例輕重非  
其事類錯雜難知鮑昱為司徒奏定辭訟比七卷決事  
都目八卷以齊同法令息過人訟也 陳寵傳寵辟司

徒鮑昱府昱高其能轉為辭曹掌天下獄訟其所平決  
無不厭服衆心時司徒辭訟久者數十年事類溷錯易

為輕重不良吏得生因緣寵為昱撰辭訟比七卷決事  
科條皆以事類相從昱奏上之其後公府奉以為法  
馬援傳援破交趾所過輒為郡縣治城郭穿渠灌溉以  
利其民條奏越律與漢律駁者十餘事與越人申明舊  
制以約束之自後駱越奉行馬將軍故事

建武十九年

禮

朝士注鄭司農云謂若今時辭訟在券書者為治之

應劭漢儀 刪律令 議駁 律本 板令

律畧論

應劭傳為駁議三十篇又刪定律令為漢儀

晉志作議

建安

元年乃奏之曰夫國之大事莫尚載籍載籍也者決嫌疑明是非賞刑之宜允獲厥中俾後之人永為監焉故膠東相董仲舒老疾致仕朝廷每有政議數遣廷尉張湯至陋巷問其得失於是作春秋決獄二百三十二事動以經對言之詳矣逆臣董卓蕩覆王室典章焚燎靡有子遺今大駕東邁巡省許都拔出險難其命維新臣屢世受恩榮祚豐衍竊不自揆貪少云補輒撰具律本

章句尚書舊事廷尉板令決事比例司徒都目五曹詔書及春秋斷獄凡二百五十篇蠲去復重為之節文又集駁議三十篇以類相從凡八十二事其見漢書二十五漢記四皆刪叙潤色以全本體其二十六博採古今瓌偉之士文章煥炳德義可觀其二十七臣所創造庶幾觀察增闡聖聽惟因萬機之餘暇游意省覽焉獻帝善之

傳云凡所著述百三十六篇

隋志梁有應劭律略論五卷

唐志

云劉劭

漢朝議駁三十卷應劭撰

續漢書曰劭又著中

漢輯叙漢官儀及禮儀故事凡十一種百三十一卷朝廷制度百官儀式所以不亡者由劬記之

律本章句

李悝六篇蕭何九篇張湯二十七篇趙禹六篇叔孫郭馬鄭諸儒章句十餘家

尚

書舊事

孔光為尚書觀故事品式鄭弘所陳著南宮為故事

廷尉板令

張湯著讞法廷

尉挈令韋昭曰在板挈也

決事比例

周禮注若今時決事比忠為決事比周禮疏若今

律其有斷事皆依舊事斷之其無條取此類以決之

司徒都目

注司徒即丞相總領綱紀佐理

萬機故有都目鮑昱為司徒定決事都目八卷晉志按司徒鮑公撰解訟嫁娶決為法比都目凡九百六卷

五曹詔書

見詔令

春秋斷獄

見春秋

漢田律

周禮夏官大司馬遂以蒐田有司表貉誓民注誓民誓以犯田法之罰也誓曰無干車無自後射疏曰云誓曰無干車無自後射者此據漢田律而言無干車謂無干犯他車無自後射者象戰陳不逐奔走又一解云前人己射中禽後人不得復射彼又云無面傷之等象降者不逆擊之云秋官士師五禁注今野有田律疏云舉漢法以況之

漢上計律

周禮典路注鄭司農云漢朝上計律陳屬車於庭掌  
皮注云今時詔書或曰齋計吏小宰注使齋歲盡文  
書來若今上計宰夫注治要若歲計治凡若月計治  
目若今日計也衛宏漢舊儀曰朝會上計律常以正  
月旦受羣臣朝賀

漢大樂律

周禮大胥注鄭司農云漢大樂律曰卑者之子不得舞

宗廟之酎除吏二千石到六百石及關內侯五大夫取適子顏色和順身體脩治者以為舞人與古用卿大夫子同義 後漢百官志注盧植禮注曰大予令丞如大胥小胥漢大樂律卑者之子不得舞宗廟之酎取六百石五大夫以上適子三十一以下顏色和順身體修治者為舞人

漢律

詳見漢藝文志考

記內則三牲用藪注漢律會稽獻馬 說文漢律會稽



郡獻鮫鱗名船方長為舳艫綺絲數謂之紩布謂之總  
綬組謂之首縵田秣草會稽獻頽婦告威姑賜衣者  
縵表白裏祠祔司命及其門首洒潒民不繇貲錢二十  
二 禮春官注左傳注引漢律 隋志漢律久亡 初  
學記漢律吏五日得一下沐 秋官司刺注過失若今  
律不坐三赦注若今律令云云 惠紀注漢律人出一  
算

漢令

詳見漢藝  
文志考

說文引漢令曰趙張百人蠻夷長有罪當殊之蠻夷卒有賴

漢尚方律

宋書有司奏曰車服以庸虞書茂典名器謹假春秋明誠是以尚方所制漢有嚴律諸侯竊服雖親必罪

漢法名家

後漢傳順帝時吳雄明法律斷獄平子訢孫恭三世廷尉為法名家

注名為明法之家

郭氏自弘後數世傳法律子孫至

公者一廷尉七侯三刺史二千石侍中郎將者二十餘

人侍御史正監平甚衆

躬奏讞法科多所生全

論曰法家慶延于

世 前漢陳咸欽躬寵忠世典刑法 楊賜為廷尉自

以代非法家言曰三后臯陶不與蓋吝之也遂固辭

樊準上疏曰文史去法律而學詆欺銳錐刀之鋒斷刑

辟之重宜復召郡國書佐使讀律令

元初四年選儒讐校漢家法令

沈約曰漢代律書出乎小杜吳雄三世法家系居理職

郭躬律學通明仍業司士晉叔則元凱並各名家 南

齊崔祖思曰漢來治律有家子孫並世其業聚徒講授至數百人故張于二氏絜譽文宣之世陳郭兩族流稱武明之朝決獄無冤慶昌枝裔槐衮相襲蟬紫傳輝孔稚珪曰古之名流多有法學釋之定國聲光漢臺元常文惠績映魏閣

蜀漢諸葛武侯十六條

書目雜家武侯十六條一卷初蜀主三訪亮於草廬既見亮上便宜事列之文武二篇凡十六條伊籍傳與

諸葛亮法正劉巴李嚴共造蜀科蜀科之制由此五人

魏新律 律博士 律畧論 科令 甲子科

晉志魏國建鍾繇為相國定甲子科

六典云造甲子科條

又議肉

刑初魏文侯師李悝著法經六篇商君受之以相秦蕭何定漢律益為九篇稍增至六十篇又有三百餘篇決事比九百六卷世有增損錯揉無常後各為章句馬鄭諸儒十有餘家以至於三國魏所當用者合二萬六千

二百七十二條七百七十三萬餘言覽者益難明帝乃詔但用鄭氏章句不雜用餘家尚書衛覬奏曰刑法者國家之所貴重而私議之所輕賤獄吏者百姓之所懸命而選用者之所卑下王政之弊未有不由此也

九章之律

自古所傳斷定刑罪其意微妙請置律博士帝從之

通監綱目太和三年十月立聽訟觀

置律博士

又詔改定刑制命司空陳羣散騎常侍劉邵給事

黃門侍郎韓遂議郎庾嶷中郎黃休荀詵等刪約舊科傍采漢律定為魏法制新律十八篇州郡令四十五篇

尚書官令軍中令合一百八十餘篇其序略曰舊律所  
難知者由於六篇篇少故也篇少則文荒文荒則事寡  
事寡則罪漏是以後人稍增更與本體相離今制新律  
宜都總事類多其篇條舊律因秦法經就增三篇而具  
律不移因在第六罪條例既不在始又不在終非篇章  
之義故集罪例以為刑名冠於律首盜律有劫略恐獨  
和買賣人科有持質皆非盜事故分為劫略律賊律有  
欺謾詐偽踰封矯制囚律有詐偽生死令景有詐自復

免事類衆多故分為詐律賊律有賊伐樹木殺傷人畜  
產及諸亡印金布律有毀傷亡失縣官財物故分為毀  
亡律囚律有告劾傳覆廐律有告反逮受科有登聞道  
辭故分為告劾律囚律有繫囚鞠獄斷獄之法興律有  
上獄之事科有考事報讞宜別為篇故分為繫訊斷獄  
律春秋疏云漢世名斷獄為劾盜律有受所監臨受財枉法雜律有  
假借不廉令有呵人受錢科有使者驗賂其事相類  
故分為請賕律盜律有劾辱強賊興律有擅興徭役具



律有出賣呈科有擅作修舍事故分為擅興律興律有之徭稽留賊律有儲峙不辦廐律有乏軍之興及舊典有奉詔不謹不承用詔書漢氏施行有小愆之反不如令輒劾以不承用詔書乏軍腰斬又減以丁酉詔書漢文所下不宜復以為法故別為之留律秦世舊有廐置乘傳副車食厨漢初承秦不改後以費廣稍省故後漢但設騎置無車馬而律猶著其文則為虛設故除廐律取其可用合科者以為郵驛令其告反逮驗別入告劾

律上言變事以為變事令以驚事告急與興律燧遂及科令者以為驚事律盜律有還贓畀主金布律有罰贖入責以呈黃金為價科有平庸坐贓事以為償贓律律之初制無免坐之文張湯趙禹始作監臨部主見知故縱之例其見知而故不舉劾各與同罪失不舉劾各以贖論其不見知不坐也是以文約而例通科之為制每條有餘科不覺不知從坐之免不復分別而免坐繁多宜總為免例以省科文故更制其由例以為免坐律諸

律令有其教制本條無從坐之文皆從此取法也凡所定增十三篇就故五篇合十八篇於正律九篇為增於旁章科令為省矣改漢舊律不行於魏者皆除之更依古義制為五刑其死刑有三髡刑有四完刑作刑各三贖刑十一罰金六雜抵罪七凡三十七名以為律首又改賊律云云斯皆魏世所改其大略如是其後止始之間天下無事於是征西將軍夏侯玄河南尹李勝中領軍曹義尚書丁謐又追議內刑卒不能決其文甚多不

載及景帝輔政云云程咸上議曰司寇作典建三等之制甫侯修刑通輕重之法叔世多變秦立重辟漢又修之大魏承秦漢之弊未及革制然則法貴得中刑慎過制六典魏命陳羣等採漢律為魏律十八篇增漢蕭何律劫掠詐偽毀亡告劾係訊斷獄請賊驚事償贓等九篇也劉劭傳與議郎庾亮等定科令作新律十八篇著律略論

唐志五卷隋五卷法家梁有法論十卷劉劭撰

盧毓傳青龍

二年為侍中先是劉劭受詔定律未就毓上論古今科

律之意以為法宜一正不宜有兩端使姦吏得容情

隋志魏廷尉決事十卷

晉泰始新律 律本 甲令 晉令

文紀魏常道鄉公咸熙元年文帝為晉王秋七月帝奏  
司空荀顗定禮儀中護軍賈充正法律尚書僕射裴秀  
議官制太保鄭冲總而裁焉武泰始四年春正月景戌  
律令成封爵賜帛各有差 刑法志文帝為晉王惠前  
代律令本注煩雜陳羣劉劭雖經改革而科網本密又

叔孫郭馬杜諸儒章句但取鄭氏又為偏黨未可承用

於是令賈充定法律令與大傳鄭冲司徒荀顗

賈充傳以司徒

為司空

中書監荀勗中軍將軍羊祜中護軍王業廷尉杜

友守河南尹杜預散騎侍郎裴楷潁川太守周雄齊相  
郭頎騎都尉成公綏尚書郎柳軌及吏部令史榮劭等  
十四人典其事就漢九章增十一篇仍其族類正其體  
號改舊律為刑名法例辨囚律為告劾繫訊斷獄分盜  
律為請賊詐偽水火毀亡因事類為衛宮違制撰周官

為諸侯律合二十篇六百二十條二萬七千六百五十  
七言蠲其苛穢存其清約事從中興歸於益時其餘未  
宜除者若軍事田農酤酒未得皆從人心權設其法太  
平當除故不入律悉以為令施行制度以此設教違令  
有罪則入律其常事品式章程各還其府為故事減梟  
斬族誅從坐之條除謀反適養母出嫁女皆不復還坐  
父母弃市省禁固相告之條去捕亡沒為官奴婢之制  
輕過誤老少女人當罰金杖罰者皆令半之重奸伯叔

母之令棄市淫寡女三歲刑崇嫁娶之要一以下娉為  
正不理私約峻禮教之防准五服以制罪也凡律令合  
三千九百二十六條十二萬六千三百言六十卷故事  
三十卷泰始三年

通監從紀  
在四年

事畢表上武帝詔曰昔蕭

何以定律令受封叔孫通制儀為奉常賜金五百斤弟  
子百人皆為郎中夫立功立事古今之所重宜加祿賞  
詔簡弟子百人隨材品用賞帛萬餘疋

武紀泰始四年  
正月丙戌律令

成封爵賜  
帛各有差

武帝親自臨講使裴楷執讀四年正月戊子



大赦天下乃班新律其後明法掾張斐又注律表上之  
是時侍郎盧珽中書侍郎張華又表抄新律諸死條目  
掛之亭傳以示兆庶有詔從之 唐藝文志晉駁事四

卷晉彈事九卷

隋志十卷

賈充杜預刑法律本二十一卷

賈充

等撰令四十篇  
戶令至雜法

晉令四十卷張斐律解二十卷

隋志二十一卷

隋志杜預律本二十一卷晉雜議十卷晉雜制六十

卷晉初甲令已下至九百餘卷武帝命賈充引羣儒刪  
采其要增律十篇其餘不足經遠者為法令施行制度

者為令品式章程者為故事各還其官府 列傳鄭冲  
為魏太保平蜀之後命賈充羊祜等分定禮儀律令皆  
先詔於冲然後施用 裴楷字叔則賈充改定律令以

楷為定科郎事畢詔楷於御前執讀平議當否

叔則元凱並名

家

杜預字元凱與車騎將軍賈充等定律令既成預

為之注解乃奏之曰法者蓋繩墨之斷例非窮理盡性  
之書也故文約而例直聽省而禁簡古之刑書銘之鍾  
鼎鑄之金石所以遠塞異端使無淫巧也今所注者皆

網羅法意格之以名分使用之者執名例以審趨舍伸  
繩墨之直去析薪之理也詔班于天下 賈充所定新  
律既班於天下百姓使之又有荀煇同典正其事

餘同志

續咸脩陳杜律明達刑書永嘉中遷廷尉平 六典

晉命賈充等十四人損增漢魏律為二十篇一刑名二  
法例三資律四賊律五詐偽六請賊七告劾八補律九  
繫訊十斷獄十一雜律十二戶律十三典律十四毀亡  
十五衛宮十六水火十七廐律十八關市十九違制二

十諸侯凡一千五百三十條 齊百官志荀勗欲去事

煩唯論并省定制成文本之晉令 文選注引晉令

宋禮志引晉令 齊王植曰晉律文簡辭約旨通大綱

事之所質取斷難釋張斐杜預同注一章而生殺永殊

自晉泰始以來唯斟酌參用

江左相承用晉世張杜律二十卷齊世祖詳正舊注

晉六條

武紀魏咸熙二年十一月己未晉王令諸郡中正以六條舉淹滯一曰忠恪匪躬二曰孝敬盡禮三曰友於兄

第四曰潔身勞謙五曰信義可復六曰學以為己 隋

志晉刺史六條制一卷

刑法類

穆紀永和元年四月壬

戌詔會稽王昱錄尚書六條事二月二月癸丑以左光祿大夫蔡謨領司徒錄尚書六條事

### 晉五條詔書

武紀泰始二年

一本泰始元年

十二月班五條詔書於郡國一

曰正身二曰勤百姓三曰撫孤寡四曰厚本息末五曰

去人事 隋志班五條詔十卷亡 北齊時制五條寫

於詔牘以版長二尺二寸雌黃塗之正旦宣示百官一  
曰去殘賊擇良吏二曰勸農無煩擾三曰六極之人務  
皆寬養四曰長吏浮華宜謹察之五曰內外混轍所宜  
糾劾後周時魏大統十一年蘇綽亦為六條詔書一曰修心二  
曰厚教化三曰盡地利四曰擢賢良五曰恤獄訟六曰  
均賦役崇文目蘇綽六條一卷周文常置坐右令百司習誦牧守  
令長非通六條不得居官

晉尚書十二條

宋百官志漢東京置太傅錄尚書事晉康帝世何充

表曰咸康中分置三錄王導錄其一荀崧陸曄各錄

六條事然則似有二十四條若止有十二條則荀陸

各錄六條導又何所司乎其後每置二錄輒云各掌

六條事又是止有十二條

不知悉何條

晉江右有四錄則

四人參錄江右張華江左庾亮並經闕尚書七條

亦不

知皆何事也

晉令 祠令

後漢樂巴傳注晉令諸郡國不滿五千以下置幹吏二人  
北史劉芳傳晉祠令云郡縣國祠社稷先農縣又  
祠靈星南齊百官志晉秘書閣有令史掌衆書見晉  
令傳咸傳按令御史中丞督司百僚皇太子以下其  
在行馬內有違法憲者皆彈糾之雖在行馬外而監司  
不糾亦得奏之

齊王植集注律 漢晉律序注 張斐律解

晉書初晉張斐杜預等共注律二十卷自泰始以來用



之律文簡約或一章之中兩家所處生殺頓異臨時斟酌吏得以為奸齊武留心法令詔獄官詳定舊注永明七年尚書刪定郎王植集定二注表奏之取張斐注七百三十一條杜預注七百九十一條或二家兩釋其義乃備者又取一百七條其注相同者取一百三條集為一書凡一千五百三十二條為二十卷詔公卿八座參議考正竟陵王子良總其事眾議異同不能一者制旨平決永明九年廷尉孔稚圭表上律文二十卷錄序一

卷又奏寫律上國學置律助教依五經例事不行 隋

志漢晉律序注一卷晉張斐撰雜律解二十一卷

唐志  
斐律

解二  
十卷

張斐撰梁有杜預雜律七卷亡 唐志宗躬齊永

明律八卷

梁律 梁令

武帝天監元年秋八月丁未命尚書刪定郎蔡法度

法度

家傳  
律學

損益王植集注舊律為梁律命尚書王亮侍中王

瑩僕射沈約吏書范雲等九人同議定二年四月癸卯

法度上梁律三十卷令三十卷

戶令至軍賞三十篇錄一卷隋唐志同

至違制制刑為十五等之差

科三十卷

隋志科三十卷梁時取故事之宜於時者為梁科

唐志

梁科二卷

詔班行之自刑名至違制二十篇

大凡定罪二千五百二十九條

陳永定元年冬十月置刪定郎治律令

范泉徐陵等

參定律令律二十卷

唐志九卷隋志同

令三十卷

隋唐志同

科三十

卷

隋唐志同隋志云令科四十卷條派冗雜博而非要

又陳新制六十卷

隋

志晉宋齊梁律二十卷蔡法度撰

元魏律令

大統式

隋新律

律令格式

西魏六條

隋志

兼唐六  
典等書

太和十五年五月己亥更定律令

先是太  
和五年

新律成八百  
三十三章

於東明觀親決疑獄十六年四月丁亥朔

班新律令大赦

隋志後魏  
律二十卷

北齊文宣天保元年始命羣

臣刊定魏麟趾格

李渾邢邵  
等修撰

時政刑不一罕依律文謂

之變法於是議造齊律武成大寧元年督修律令河清

三年尚書令趙郡王叡等奏上齊律十二篇

名例至雜  
律隋唐

志十二卷  
目一卷

定罪九百四十九條又上新令四十卷

隋志  
五十

卷唐志  
八卷

采魏晉故事

以尚書二十  
八曹為篇名

其制刑名五重罪十

條其不可為定法者別制權令二卷

隋志北齊  
權令二卷

與之並

行三月辛酉班行之是後法令明審科條簡要又敕仕

門子弟常講習之故齊人多曉法律西魏大統元年

宇文泰以軍旅未息令有司酌古今為二十四條新制

行之七年九月度支尚書蘇綽為六條詔書一曰修心

二曰厚教化三曰盡地利四曰擢賢良五曰恤獄訟六

曰均賦役泰置坐右令百官習誦之牧守令長非通六

條及計帳不得居官尋又益新制十二條十年七月更

權衡度量命綽損益三十六條之制頒之

六典注損益為五卷謂之

大統式

志後周太祖命綽撰

隋唐志

十五年以泰

大統式三卷

崇文目蘇綽六條一卷

前後所上二十四條及十二條新制為中興永式周

以趙肅為廷尉卿定律保定三年三月庚子乃就

紀二月庚

子初頒新律

凡二十五篇謂之大律

刑名至斷獄

定罪一千五百

三十七條比於齊律煩而不要

隋唐志趙肅等後周律二十五卷

建德

二年十一月行刑書要制宣政元年八月詔制九條宣

下州郡大衆元年除高祖所立刑書隋則律令格式並  
行文帝開皇元年以周法繁而不要命高頴鄭譯及上  
柱國楊素率更令裴政等七人更加修定政練習典故  
達於從政乃參魏晉舊律下至齊梁沿革重輕取其折  
衷時同修者十餘人凡有凝滯皆取決於是去前世梟  
輶及鞭法自非謀叛以上無收族之罪始制死刑二絞  
斬流刑三自二千里至三千里徒刑五自一年至三年  
杖刑五自六十至一百笞刑五自十至五十又制議請

減贖官當之科以優士大夫除前世訊囚酷法開皇元

年冬十月戊子始行新律

唐志云高頴等隋律十二卷

二年七月甲

午行新令

高頴等撰令三十卷官品至雜令唐志牛弘等隋開皇令三十卷

三年文帝

覽刑部奏斷獄數猶至萬以為律尚嚴密人多陷罪敕

蘇威牛弘等刪定新律除死罪八十一條流罪一百五

十四條徒杖等千餘條惟定留五百條凡十二篇

名例至斷

獄自是刑制簡要疎而不失乃制律博士弟子員斷獄

先牒明法定罪五年廢大理律博士刑部曹明法州縣



律生六年敕諸州長史已下行參軍已上普令習律集

京之日試其道不煬帝以開皇律令猶重大業二年十

月更制大業律

牛弘等造

三年四月甲申頒行凡十八篇五

百條名例至斷獄五刑降從輕典者二百餘條

隋志大業律十

一卷

唐志十八卷

又大業令

三十卷四年十月乙卯頒新式

### 東魏麟趾格


後魏書孝靜帝興和二年詔羣臣於麟趾閣議定法制

謂之麟趾格

隋志云於麟趾殿制正刑典

十月甲寅頒行也 唐志

北齊麟趾格四卷文襄帝時撰 元魏太和元年九月  
更定律令五年新律成十五年改定十六年班新律



玉海卷六十五